



## Universitätsbibliothek Paderborn

### **V. P. Gasparis Družbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Družbicki, Societatis Jesu, In Dominicas Anni Totius  
Meditationes

**Družbicki, Kaspar**

**Ingolstadii, 1732**

**VD18 9006643X**

Dominica VII. post Pentecosten.

**urn:nbn:de:hbz:466:1-45459**

tivam, Illuminativam, Unitivam sequentes Christum, Crucemque suam tollentes.

## DOMINICA VII.

Post Pentecosten.

1. *Attendite.* Matt. 2.

**O**mnis animæ meæ vires sensusque ac intentiones, attendite quid nunc agere, & quantis mysteriis assistere, atque cui majestati comparere debetis! intelligite, tandem aliquando, quod qui indignè manducat & bibit Corpus Sanguinemque Domini, iudicium sibi manducat & bibit, non dijudicans corpus Domini, non attendens quid audeat, quid præsumat, quid agat. Attende tu anima, quantus & quis sit iste ad quem accedis! cum qua præparatione humilitatis, puritate, devotione, desiderio, fide, charitate accedis? Quid abs te debeatur illi majestati, cui creaturæ omnia simul nihil dignum præstare possunt. Hæc attende & penetra bene.

2. *Arbor bona bonos fructus facit.*

**C**ogita Ecclesiam Christi paradisum esse: in eo quot Christianos, tot arbores fructu faciendæ idoneas contineri, easque pro distinctione Statutum varii generis. Invenias hic arbores Scientiæ, nempe Doctores. Invenias ficus grossos suos proferentes, amygdalos, olivas fructiferas, Palmas, Libani cedros, vites abundantes, aliasque complures arbores, ut meritò dicat. Sponsa sponso omnia poma nova & vetera dilectè mihi servavi tibi. Inter has omnes arbores cogita excellere

g. Druez =  
Bicki  
Oper: ascel  
Tomus III  
N: V  
58

esse arborem Vitæ, quæ est Christus JESUS  
 uni quidem ex parte sic meritò vocandus, sed  
 precipue ob Sacramentum altaris, quod verè  
 arbor est jugiter florens, & fructus profe-  
 rit, omnem saporem, delectamentum salubri-  
 temque continens; In hac arbore, volucres  
 nidificant, sub hanc bestiolarum requiescunt,  
 &que umbrâ teguntur, per hanc vermiculi re-  
 unt, omnibus enim ista arbor amabilis, Chri-  
 stus inquam in Sacramento se communicat, sin-  
 gulis prout eorum exigentia, præparatio, capa-  
 citas exigit. O si cognoscas arborem hanc! &  
 gustes quam bonis tu fructibus abundares!  
 Ecce enim arbor, eam virtutem habet, ut non so-  
 lum ipsa in se sit fructifera, sed etiam alios faciat  
 fructiferos. Tu toties de ista arbore comedis,  
 & tamen sterilis es, quis dubitat causam esse  
 hanc, quia negligenter accedis, postquam acces-  
 eris, negligenter te geris, hinc ad fructuosita-  
 tem nullam proficis.

3. *Attendite.*

O! ad quidnam, vel cui attendendum? At-  
 tendite, Vox Dei est perpetuò clamantis ad  
 cor hominis, Deus magister est, attendite disci-  
 puli ad doctrinam ejus; Deus exemplar est, at-  
 tendite imitatores ut illum ad vivum exprima-  
 tis: Deus Dominus est, attendite famuli, ut  
 non sitis supra Dominum; Deus Doctor est,  
 attendite peregrini, in via enim hac qua pergitis,  
 peccatores absconderunt laqueum vobis: Deus  
 vigil est, attendite qui dormitis, quia adversa-  
 rius vester tanquam leo circuit: Deus spectator  
 est, attendite certatores, quomodo vos dignè  
 conspectu ejus geratis: Deus beneficia fundit?

O 2

atten-

attendite ut recipiatis, ut grati sitis, ut non abutimini. Deus vocat? attendite ut obediatis voci eius: Deus iudex est? attendite quomodo estis rationem reddituri: Deus fur est? attendite; quia quâ horâ non putatis veniet & perfodiet parietem: Ecce enim dies Domini sicut fur veniet. Vide an prædicta sint ejus momenti, ut meritò sit ad illa attendendum; tu verò quomodo attendis?

## 4. Attendite.

**A**D vestra propria & eorum qui commissi vobis sunt, ad publica scelera quæ communi calamitate luuntur, ad iram Dei paratam, ad ingratitude vestram, vilitatem & infirmitatem, ad insidias & inimicos eorum innumerabiles. Attendite ad Dei dignitatem, ad vestram obligationem, & effrenem passionum licentiam, vel subdolam quietem. Attendite præmia celestis patriæ, inferorum pœnas, trementa & secreta Dei judicia; Attendite ad Christi passionem, ad propriæ vitæ institutum & conscientiam, ad Regulas, ad Proposita, ad Intentionis puritatem, attendite ad vitæ tempus, ad aliorum ferventia exempla, seriamque sui victoriam, ad indefatigabile profectûs desiderium. Denique anima mea attende, quomodo quotidie te ipsa fias melior, quibus rebus præpediaris à profectu, quò Dei respondeas inspirationibus, quò oculis ejus plus quotidie placeas, tibi displiceas.

## 5. Attendite.

**N**on malis solum attendendum est ne fiant, sed bonis etiam ut fiant, utque bene fiant. Nam justè quod justum est persequeris, ait Moyses. Quod quidem faciet Considerationis præ-

eticæ

G. DRILLZ =  
bicki  
oper: ascel  
Tomus III  
N: V  
58

gratiae usus, ut scilicet quodlibet opus majoris  
momenti, antequam aggrediaris, tecum  
se discutias prius, v. g. Qua intentione illud  
faciam? quæ mihi sese in hoc negotio offerent  
occandi occasiones, quæ, virtutum, & quarum  
mercendarum seges, quæ mei vincendi, morti-  
candi, deprimendi, charitatem aliis faciendi op-  
portunitas? hoc negotium si Christo aut alicui  
sanctorum faciendum fuisset; quomodo se  
cessisset in eo &c. Talibus prævisionibus, succe-  
dant proposita; invocatio Divini Numinis, tan-  
tem peracto opere, examen circa prædicta o-  
mnia, an quid omissum boni, an quæ neglecta  
ocasio virtutis, an quid admissum mali! Gratiae  
Deo agendæ; Emendatio proponenda. Talis  
attentio anima mea, mellis meritorum est, &  
sanctitatis unicum compendium.

6. *Attendite à falsis Prophetis.*

Prophetæ falsi repleverunt mundum, plenus  
est mundus fallacibus vaticiniis, cum aut  
pendentur bona (quæ non venient) ventura,  
aut promittuntur mala, (quæ venient, nec abi-  
tunt) non futura, vel abitura, hominis cras  
morituri. Vitam sibi alii promittunt longissimam,  
opes magnas, honores amplissimos, successum  
per omnia. Talis fuit ille qui dicebat Ani-  
ma mea habes multa bona, reposita in annos  
multos, & ab illo misero stulto illa ipsa nocte  
ultima repetita est, tales & illi erant, qui de se  
gloriantur aliquando & farentur; Nos insensati,  
illorum æstimabamus insaniam & finem  
in honore. Attende ergo tibi, ô homo, à falsis  
prophetis. Propheta falsus tu tibi ipse, nam  
semper teipsum quæris. Caro, omnia simulans,

ut illi bene sit, adulatur, malus socius, concupiscentiæ; Creatura, dæmon, mundus & quæ in eo sunt. Porrò ad veros prophetas attende quales sint. Tua propria conscientia, Probi & fideles amici, maxime Superiores tui, Inimici quoque, Angelus custos, Deus, calamitates, humilis oratio. Hos prophetas vide, & sæpè adeas, sæpè consulas; ab illis, vide, ut tibi sagacissime caveas.

7. *Nunquid colligunt de spinis uvas.*

**D**uplex sensus est horum verborum. Primus est; Attendite à falsis Prophetis, quos ex hoc signo cognoscetis, si de spinis uvas botros vé vini non colligunt, aut de tribulis non decerpunt ficus; sin colligunt, boni prophetae sunt, evenit enim quod dicunt. 2. Nolite fidem dare falsis prophetis, nam sicut de spinis uvas, de tribulis ficus, nemo colligit, nec ad colligendum accedit, ita nemo fidem dat falsis prophetis. Credere enim falsario, est ficus à tribulis, & uvas à spinis exspectare. Tu nunc anima mea signum falsorum Prophetarum attende: si enim non colligis adhuc de spinis uvas, adhuc falsus propheta es. Scire & velle & solere uvas de spinis legere, hoc est verum Prophetam hoc est perfectum & Sanctum virum esse &c. Hec ita intellige: Quamdiu ad omnes injurias & molestias non eris paratissimus, nec tibi dulce erit quàm plurima indigna, etiam sine ulla causa tua, & propter alienos non tuos defectus, etiam à tuis, ac à quibus minimè velles, deberesque pati propter Deum; quamdiu alienos mores naturasque à tuis diversas, & complexionis tuæ dissonas perferre, quamdiu, tam in animo confusio-

nem,

G. DRILLZ =  
 bicki  
 Operi ascet  
 Tomus III  
 N: V  
 58

em, tentationem, pudorem, tedium, ignomi-  
 am, calumniam; quàm in corpore morbos,  
 paupertatem, injurias cæli, tolerare non scies,  
 non eris verus propheta, quia de spinis uvas non  
 colliges. Denique quamdiu de omni creatura  
 fructum Spiritualem, profectusque tui materi-  
 am non capis, tamdiu falsus Propheta es.

8. *Ex fructibus eorum cognoscetis eos.*

Omnis arboris nota fructus ejus; Hominis  
 nota, opus ejus. Quod est fructus arbori,  
 hoc Homo operi. De terra trahit arbor succum,  
 ut suppeditet fructui, de cælo debet homo su-  
 mere vigorem suo operi. Age verò vide quales  
 sint fructus tui, hoc est opera tua. Ex fructibus  
 arbor noscitur, bona sit an mala; ex operibus  
 homo scitur, bonus sit an malus; Fructus, (ait  
 Apostolus) bonus, pietas est cum sufficientia;  
 fructus bonus patientia est; fructus bonus man-  
 suetudo & humilitas est cordis; fructus bonus,  
 Sanctitas est, fructus bonus devotio est; Ad ex-  
 tremum fructus bonus & charisma optimum  
 charitas est. Habes hos fructus? arbor bona  
 es, deficis ab his? mala es, Ex fructibus eorum  
 cognoscetis eos.

6. *Ex fructibus eorum cognoscetis eos.*

Omnis homo in mundo, tanquam in horto  
 aliquo vivit. Ingressus quis hortum, aspi-  
 cit flores, aspicit arbores, unusquisque eum ad  
 se trahit, & pulchritudine rapit. Accidit inter-  
 dum tamen, ut pro odorato flore, carpatur fæ-  
 tens, pro dulci fructu carpatur acerbus si quasi-  
 sses ex carpente, est ista bona arbor? bona vi-  
 detur, quia habet fructus; quæres ubi gustarit  
 fructum? malam esse dicit, quia malos fructus  
 habet.

habet. En ex fructibus cognovit arborem, ex flore herbam: Sic est; intuere res hujus mundi. Arbores opes sunt, facultates, possessiones; Arbores sunt honores, magistratus, officia, dignitates; arbores sunt convivia, epulæ, ludichoreæ; Arbores sunt mercatura, jura, militia, artes liberales & mechanicæ; Arbores sunt, Domini stipati famulis, famuli Dominorum a seclæ, &c. quæ horum arbor non pulchra, si spectes ad extra frondes, folia, splendorem, lucem, ramos, fructus; Introduc inter istas arbores hominem juvenem, ignarum, quamlibet arborem laudabit, ad quamlibet aspirabit. Da illi fructus ejus germanos ad gustandum, si stultus non est, si amarum non dulce putabit, arborem ex visu laudatam, ex gustu culpabit. O! homines mundi! hoc est, quod Christus dicit; Ex fructibus eorum cognoscetis eos. Nolite considerare externa tantum folia; quia arbor viret, quia pandit ramos alte & latè, quia fructus habet pulchros aspectuque delectabiles, sed gustate de fructibus ejus, hoc est penetrare ejus naturam, viam, astus, pericula intimè, denique finem noscite, & videbitis, quia extrema gaudii luctus. Ultimum in arbore fructus est, ultimum bonorum mundi, miseria est. I per singula si placet. Quid profuit nobis luxuria? quarunt quidam; Ducunt in bonis dies suos, & in puncto ad infernum descendunt. De aliis dicitur, Qui volunt divites fieri, incidunt in laqueum diaboli, ait Apostolus: Denique divitiæ spinæ sunt teste Christo, Finis non esset singulorum.

g. DRUCK =  
 bicki  
 oper: asceet  
 TOMUS III  
 N: V  
 58



10. *Ex fructibus eorum cognoscetis eos.*  
 Tiam vita spiritualis hortus est, viri spiritua-  
 les in horto vivunt. Unde Dominus Reli-  
 giosorum, Paradisi terrestres vocatae; claustra  
 videntur, quia hi clausi sunt in hoc vitae spiritua-  
 li horto. Tot arbores quot occupationes, quot  
 rationes; nulla sterilis est, nulla otiosa; de nul-  
 lo dixeris, ut quid terram occupat? Ipse cibus,  
 somnus, ipsa recreatio, arbor est, aurei fru-  
 ctus eius, non solum aspectu, sed etiam pon-  
 dere & pretio, idque non apud homines solum,  
 sed multo magis apud Deum; fac intentionem  
 bonam, fac ex obedientia, etiam vilissimum,  
 tam minimum, apud Deum magnum est, aure-  
 um est, etiam id quod pes calcatur, rosa est, planè  
 capilli capiti numerantur; cur? quia San-  
 ctus sunt, gressus eorum dinumerantur, & vestigia  
 eorum considerantur, quia non sunt otio-  
 sa, sed sancta, sed pura. Usque adeò in Religio-  
 ne omnia fructuosa, etiam ipsa peccata hinc fru-  
 ctuosa; cooperantur enim omnia diligentibus  
 bonum, & sunt occasio poenitentiae, humili-  
 tatis, cautelae. Utinam hos fructus cognoscas  
 Domine mea! Utinam feras, feres autem si ad te  
 cor meum Puncti §. gesseris.

11. *Non omnis qui dicit mihi Domine.*

Horrenda & terribilis est haec sententia. Noli  
 tibi blandiri, noli operibus quae facis, etsi  
 iustissima videantur, saepe istis Deus offendi-  
 tur, quibus placari creditur. Cum timore & tre-  
 more &c. Noli altum sapere, sed time, si sem-  
 per timueris Deum, semper securus eris, semper  
 ingens, semper exactus, Sanctus, humilis: &  
 qui

O §

qui

qui enim timet Deum nihil negligit, alioquin si paululum te extuleris, scito quia detrahetur superbia tua usque ad inferos, non enim omnis qui mihi dicit Domine, Domine, intrabit in regnum cælorum. Et Phariseus dixit, & Judas dixit & alii, & tamen perierunt, etsi in nomine Dei multas virtutes feceris, dæmonia eieceris, adhuc time; multi enim qui jam posuerunt in cælos os, & nidum suum, descenderunt usque ad abyssos. Quære enim? Quomodo cecidisti Lucifer? Domine Jesu, quomodo vidisti Sathanam cadentem de cælo? Tanquam fulgur, inquit. Vide igitur, quomodo cautè ambuletis sicut in die Filii lucis; quantò major es, humilia te in omnibus, & in hoc solo gaude, si nomen tuum scriptum est in cælis.

## DOMINICA VII.

Post Pentecosten.

*v. Scio quid faciam, ut recipiant me in domos suas.*

**Q**uid facies, ô Prudentissimè Jesu, ut recipiamus te in domos nostras! olim mundus te non agnovit, licèt factus per te esset, & quamvis in propria veneras, tamen tui te non receperunt, quid igitur nunc facies, ut recipiant Te tui? Audite cæli consilium sapientiæ: Venerat olim Hospes, ut panis cibi que egens, nos inhospitales eramus, Christo panem dare volebamus; venit ille nunc ad nos in forma panis, venit planè panis ipse, ut nobis excusationem adimat de inhospitalitate, dicitque nobis, noluitis me recipere comesturum vobiscum, recipite

g. DILLZ =  
bicki  
oper: ascel  
Tomus III  
N: V  
58